

## Ro Ta Paulus Ibeede Pa Timoti Ma Iwe Ru Pa

<sup>1</sup> Nio Paulus, ngonjana ki Yesu Krisi. Anutu itunu leleene mi iur yo be ansoyaara sua kini mbukjana pa mbotjana nonono ta takamam la ki Yesu Krisi i.

<sup>2</sup> O lutun Timoti, nio anbeede ro ti ima paso, lelen pu ilip.

Tamanda Anutu mi Merere kiti Yesu Krisi ko tikampe u, mi timunai u, mi timboro u ma mbot ambai. Nonono.✧

*Paulus ipombol Timoti be imender mboljana mi isoyaara uruunu ambainana*

<sup>3</sup> Nio anjurur lelen imap ma ilala ki Anutu, mi anbesmbeeze pini raama lelen ngeezenana, kembei ta mungu tumbun bizin tikamam na. Mi mbenj ma aigule na, nio moton ingalngalu pa sunjana tio mi lelen ambai pa Anutu pa kampenana kini ta ise ku na.✧

<sup>4</sup> Mi anso anre u to lelen ndabok kat. Pa nio moton ingal mazwaana ta ituru taparzem ti mi nu tan na.

<sup>5</sup> Mi moton lala tomini pa mbulu ku ta urla kat ki Anutu raama lelem, kembei tumbang moori Lois mi nom Yunis na.✧

<sup>6</sup> Uunu tingi ta anso anpei ngar ku mini ta kembei: Mungu indeenje ta anur nomon sala utem na, Anutu ikampe u mi ikam lem mburom be mbeeze

---

✧ **1:2:** Ngo 16:1; 1Tim 1:2    ✧ **1:3:** Ro 1:8+; Pil 3:5; 1Tes 1:2, 3:10

✧ **1:5:** 2Tim 3:15

pini. Mburaana tana, motom ingal be payaryaara totomen, kembei ta tomtom tisegeere you na.✧

7 Pa Bubunana ta Anutu ikam piti, ina ipombolbol ti be tomoto som, mi ikamam ma lelende par piti mi iuluulu iti be takam kat ngar mi tagabizi itundu.✧

8 Tana mender mbolnana, kam sua ki Merere kiti pizin tomtom mi pombol zin be tiurla kini. Nonono, ingi anbotmbot lela ruumu sanaana pa Krisi zaana. Mi mbulu ta tikam pio na, nu kom mian pa pepe, mi moto pepe. Kozo mender mbolnana mi baada patajana pa uruunu ambainana kembei ta nio i. Anutu ko ipombol u pa itunu mburaana be kam ta kembena.✧

9 Anutu ni ikamke iti, mi iboobo iti ma tewe lene kek, bekena toto zaala kini potomjana. Mi uunu imbot la itundu mbulu kiti, som uraata kiti ambainana sa na som. Ina ni ito itunu leleene mi kampejana kini tau. Pa iti tomtom ta tesekap la ki Krisi i, na mungu kat, indeenje ta Anutu iur kosa sa zen na, ni leleene iur piti be ikampe iti.✧

10 Mi ingi ulaana kiti Yesu Krisi isu toono, mi iswe kampejana tina ma imbot mat, mi ipunmeete meetejana mburaana kek. Mi uruunu ambainana kini ta iswe zaala tabe tilip pa meetejana mi takam mbotjana mata yaryaraanana.✧

11 Nio, Anutu iur yo ma anwe ngonana kini, mi ingo yo be ansoyara uruunu ambainana tana pizin tomtom mi anpaute zin pa.✧

---

✧ **1:6:** 1Tim 4:14 ✧ **1:7:** Ro 8:15 ✧ **1:8:** Ro 1:16; Ep 3:1+; Pil 4:4; 2Tim 2:3 ✧ **1:9:** Ro 8:28; Ep 1:4, 2:8+; 1Tes 4:7; Tit 1:2, 3:4+ ✧ **1:10:** Ro 16:25; 1Kor 15:26,54+; Kol 1:26; 1Pe 1:20 ✧ **1:11:** Ngo 9:15; Ga 1:15+; 1Tim 2:7

12 Uunu tina ta aṅbadbaada patañana boozomen tiṅgi. Tamen nio aṅmoto kosa sa som, mi koṅ mianṅ som. Ingi niṅ se paso, nio aṅute Tomtom ta aṅpase pini i. Tana aṅurla kat ta kembei: Uruunu ambaiṅana ta ni iur mar nomoṅ na, ni irao imboro ma imbot ambai ma irao nol tabe ni imiili mini pa i.✠

13 O Timoti, sua ambaiṅana ta nu leṅ mar tio, ina iwe kin pu pa sua tabe kam pizin tomtom i. Mi motom iṅgal be itum to sua tana tomini. Kiskis urlañana ku, ramaki mbulu ki lelede par piti. Pa ina mbulu kizin wal ta tisekap la ki Yesu Krisi i.✠

14 Uruunu ambaiṅana ta ima nomom be mboro, ina koronṅ ndabokṅana kat. Tana motom pa mi mboro kat. Bubuṅana Potomṅana ta imbotmbot la lelede i ko ipombolu be kam ta kembena.✠

15 Nu ute: Wal urlañana kan ta timbotmbot pa lele pakaana ki Asia na, timap tipizil ndemen pio kek. Wal tana, tomtom kizin ru na Pigelus mi Ermogenes.

16-17 Mi Onesiporus ziṅan zin wal ta timbotmbot ruumu kini na, Merere ko imuṅai zin. Nonono, nio aṅbotmbot lela ruumu sanaana leleene. Tamen Onesiporus ka mianṅ som, mi imoto som. Indeeṅe ta ni imar Rom na, imbel ruṅonṅ ma irao imar indeeṅe yo. Mi imarmar ma iloulou yo mi ipombolmbol yo.✠

18 Mi nu ute: Muṅgu ni imbeeze kat pio isu kar Epepus tomini. Tana aṅsuṅ Merere beso mbeṅ kaimer ipet, na ni ko imuṅai i.✠

---

✠ **1:12:** Ep 3:1+; 1Pe 4:19    ✠ **1:13:** 1Tim 1:10; 2Tim 3:14; Ibr 10:23    ✠ **1:14:** Ro 8:11; 1Tim 6:20    ✠ **1:16-17:** Mt 25:36; Nṅo 28:30; 2Tim 4:16,19; Ibr 13:3    ✠ **1:18:** Mt 25:36; Yud 21

## 2

### *Paulus ikam sua tooroŋan pakan pa Timoti*

<sup>1</sup> O lutuŋ Timoti, kampeŋana mi muŋaiŋana ki Yesu Kriŋi, ta ko ipombolmbolu. ✧

<sup>2</sup> Mi sua boozomen ta nio aŋso ila iwal biibi matan ma leŋ kek, ina kozo kam pa tomtom pakan ta nu rao ndemeere zin na, be zin kadoono tipaute zin wal pakan. Naso sua tana iseŋge ma ila. ✧

<sup>3</sup> Gaaba yo ma ituru timender mbolŋana mi tabaada pataŋana pa Yesu Kriŋi zaana, kembei ta zin malmal kan ambaimbaiŋan tikamam pa bibip kizin. ✧

<sup>4</sup> Iti tuute: Zin malmal kan, matan lala pa uraata pakan kembei ta zin iwal biibi som. Tizem kat zitun pa uraata ki malmal men. Naso tikam ma biibi kizin leleene ambai.

<sup>5</sup> Mi sombe tomtom tasa iloondo pa londi biibi, na bela ito londi tana ka tutu, tona irao ikam kadoono ambaiŋana kizin wal ta tilip i. ✧

<sup>6</sup> Tomtom woomoŋana ta imbelmbel uraata pa kini paazaŋana na, sombe kini ŋgaamaŋana ipet na, ni ta ko ikam le kadoono muŋgu. ✧

<sup>7</sup> Sua tio tooroŋan taiŋgi, sombe motom pinin pa ka uunu, inako Merere iuulu u be kam kat ŋgar pa.

<sup>8-9</sup> Motom ingalŋgal Yesu Kriŋi totomen. Ni popoŋana ki king Dabit. Mi imeete, to Anutu ipei i ma imaŋga mini. Nio aŋzzoyaryaara uruunu ambaiŋana tina pizin tomtom, tanata aŋrre pataŋana, mi tiur yo lela ruumu sanaana leleene kembei ta

---

✧ **2:1:** Ep 6:10 ✧ **2:2:** Tit 1:5 ✧ **2:3:** 1Tim 1:18; 2Tim 1:8, 4:5

✧ **2:5:** 1Kor 9:25+; 2Tim 4:8 ✧ **2:6:** 1Kor 9:7,10

tomtom sananɲana sa. Tamen sua ki Anutu na, tirao be tipakaala na som. ✧

10 Tingi tabe aɲmender mbolɲana, mi aɲbaada pataɲana ta boozomen taiɲgi. Pa aɲso aɲuulu zin wal tau Anutu ipeikat zin be tiwe lene na, be tisekap kat la ki Yesu Kresi. Naso ni ikamke zin ma timbotmbot raama Anutu lela azuɲka kini leleene ma alok. ✧

11 Sua ti ɲonoono kat. Irao tuurla mi tapase pa: Sombe tagaaba Kresi pa meeteɲana kini, inako kaimer itijan tombotmbot matanda yaryaara. ✧

12 Mi sombe temender mbolɲana mi tabaada pataɲana pa ni zaana, inako tagaabi pa uraata ki peeze kamɲana. ✧

13 Tamen sombe tipizil ndemende pini mi tawatkaala zaana, inako ni ipizil ndemeene piti mi iwatkaala zanda tomini.

Mazwaana pakan na, iti tumbuk sua pini be toto i, mi tamen toto sua kiti mbukɲana som.

Mi ni na, itoto sua kini mbukɲana.

Paso, ni irao be ipeleele itunu ɲgar kini na som. ✧

### *Timoti bela ikoto zin wal pakamkaamɲan*

14 Sua tio taiɲgi, kozo zzo zin tomtom pa bekena matan inɲgalɲgal. Mi kwom imbolmbol pizin ila Anutu mataana be tiparzorzooro pa sua

---

✧ **2:8-9:** Mbo 89:3+; Ngo 21:33; Ro 1:3, 2:16; 1Kor 15:1,4,20; Pil 1:7,12+; Kol 4:3; Ibr 4:12 ✧ **2:10:** 2Kor 1:6; Kol 1:24 ✧ **2:11:** Ro 6:5,8; 2Kor 4:10+; Pil 3:10 ✧ **2:12:** Mt 10:33, 19:28; Ro 8:17; 1Pe 4:13 ✧ **2:13:** Nam 23:19; Mbo 33:4; Ro 3:3+, 9:6

soroksorok pepe. Pa sua ta kembena irao iuulu zin tomtom risa som. Ina ipasansaana zin. ✧

<sup>15</sup> Mi kam kinkiini be kam kat uraata ku, mi paute kat zin tomtom pa sua ŋonoono. Beso kaimer mi mender su Anutu kereene uunu, to kom mianj som, mi nim se. Pa ni ko ire u kembei kam uraata ku ma ambai. ✧

<sup>16-17</sup> Mi sua soroksorok ta ito ŋgar ki toono men na, mbotmbot molo pa. Pa sua ta kembena, ina kembei mbeete sananjanana ta ipasaana kat zin tomtom. Pa ina iyaryaaru zin ma tizem mbulu ki Anutu. Wal ta tizzo sua ta kembei, tomtom kizin ru ta Imeneus mi Piletus. ✧

<sup>18</sup> Ziru tipanjoobo pa sua ŋonoono. Pa tika-mam sua pakaamjanana pizin tomtom ta kembei: Manjanana kizin wal meetenan, ina ipet kek, mi kaimer na manjanana toro sa som. Sua kizin tana ipasansaana wal pakan urlanjanana kizin. ✧

<sup>19</sup> Tamen iti ta Anutu wal kini ŋonoono na, tuurla sua ta ni ikam piti na, mi tombol se. Wal kini na, kan kilalan ru. Ta, iso ta kembei: “Merere, ni iute wal kini.” Mi kilalan toro na, iso ta kembei: “Wal boozomen ta so tiswe Yesu zaana ma tiso ni Biibi kizin, na bela timet ma timbot molo pa mbulu sananjanana.” Kilalan ru tana, ta tiswe zinjoi ta Anutu wal kini ŋonoono. ✧

<sup>20</sup> Ruumu biibi na, kuuru matakinja timbotmbot lela. Kuuru pakan na, tiurpe pa gol ma silba. Ina timbot be takam uraata bibip pa. Mi kuuru pakan na, kuuru sorok ta irao pa uraata soroksorok. ✧

---

✧ **2:14:** 1Tim 6:4; Tit 3:9 ✧ **2:15:** 1Tim 4:6+; Tit 2:7+ ✧ **2:16-17:** 1Tim 1:4,20, 4:7, 6:20; Tit 1:14 ✧ **2:18:** 1Kor 15:12; 2Tes 2:1 ✧ **2:19:** Mt 7:23; Yo 10:14,27; 1Tim 3:15; 1Yo 2:19 ✧ **2:20:** Ro 9:21; 1Kor 3:12+

21 Ina raraate men piti tomtom. Sombe tomtom sa izem mbulu mi sua soroksorok, mi iurpe itunu ma iwe ngeezenana mi potomnana, nako iwe kembe kuuru ngeezenana. Tana biibi kini ko leleene ambai pini, mi iuri pa uraata bibip pakan. Paso, ni iurpe itunu, tana irao be ikam uraata ambaimbainan ta boozomen. ✧

*Mbulu ki mbesoonjo ambainana ki Merere*

22 Tana ko molo pa mbulu bozboozo ta nanjan poponjan nin zze pa i. Mi kam kinkiini be we ndeenenjom pa Anutu mataana, mi kiskis urlanana ku, ur lelem pizin tomtom, mi niomnan wal boozomen ta lelen ngeezenan mi tizunzun pa Merere kiti na, kaparlup leleyom ma kewe tamen, mi kombotmbot la mbulu luumunana men. ✧

23 Tamen zin wal ta tiute sua ki Anutu som, mi tiyyo kwon pa sua kankaananana, mi tiparzor-zooro pa sua soroksorok na, gaaba zin pa mbulu kizin tana pepe. Pa nu ute, sua ta kembena ipiyotyooto mbulu ki ketende malmal, mi ikamam ti ma tononoonjo sorok. ✧

24 Tomtom ta sombe iwe mbesoonjo ki Merere, na irao keteene malmal mi inoonjo pepe. Bela ikam mbulu luumunana pa tomtom ta boozomen, mi irao kat be ipaute zin tomtom pa sua ki Anutu. Mi sombe tomtom tikam noobo mbulu pini, na irao iur ngis pa pepe. ✧

25 Mi sombe wal pakan tizorooro la kaljaana mi ni ipazal zin, na bela iso sua luumunana men pizin.

---

✧ **2:21:** 2Tim 3:17 ✧ **2:22:** 1Tim 1:5, 6:11; Ibr 12:14 ✧ **2:23:** 2Tim 2:16; Tit 3:9 ✧ **2:24:** 1Tim 3:2+; Tit 1:7+

Pa ina ko iwe zaala pizin be Anutu ikam zin ma titooro lelen, mi tikilaala kat sua ŋonoono. ☆

<sup>26</sup> Naso ŋgar kizin ipet, mi tipurus pa kilis ki Tomtom Sanaana. Pa ni ta ikeene zin, mi ikam zin ma timbesmbeeze pini na.

### 3

#### *Mbulu sananjan tabe tipet i*

<sup>1</sup> Timoti, nio lelen be nu ute kat ta kembei: Mazwaana kaimer kana ta tinji i, na patajana bibip kola tipet. ☆

<sup>2</sup> Pa tomtom ko lelen pa zitun men, mi matan monjan. Mi tipakurkur zitun ma tiso tilip pa waen bizin pakan. Mi tiwirri sua sananjana pizin tomtom, mi tizorzooro la taman ma nan bizin kaljan. ☆

<sup>3</sup> Mi sombe tomtom tikampe zin, na zin lelen ambai pizin som. Mbulu kizin ko ingeeze pa Anutu mataana som, mi lelen pizin tonmatizin kizin som. Mi sombe keten malmal, na irao lelen imiili mini na som. Tikiskis ma timbotmbot. Zin ko tingalngal sorok sua pizin tomtom. Mi tirao be tigabiizi zitun na som. Ko timanjanja sorok pizin tomtom kembei ta buzur malmaljana, mi tiurur koi pa mbulu ambaimbainjan ta munjana men.

<sup>4</sup> Mi tiurur wal kizin ila kan koi bizin naman. Zin ko lelen tataja men, mi tipakurkur zitun. Mi mbulu parejana ta so tiyamaana kembei ambai, nako tikam men. Mi Anutu na, lelen pini risa som. ☆

---

☆ **2:25:** Ga 6:1; 2Tim 4:2; 1Pe 3:15 ☆ **3:1:** 1Tim 4:1; 2Pe 2:1, 3:3; Yud 8 ☆ **3:2:** Ro 1:29+; 1Tim 6:4; 2Pe 2:3,12 ☆ **3:4:** Pil 3:19; Yud 4,19



<sup>5</sup> Nonoono, mbulu pakan ta Anutu wal kini tika-mam na, zin ko titoto sorok. Tamen mbulu kizin ko iswe zin kembei tiute Anutu mburaana som mi lelen pa som. Wal ta kembei na, pizil ndemem pizin mi mbot molo pizin. ☆

<sup>6-7</sup> Tomtom kizin pakan ko tiru zaala be timbot se kizin moori kankaanaŋan ta urlaŋana kizin imbol zen na. Ko tila kizin moori tau lelen ipata pa sanaana kizin, mi tamen lelen bok pa ŋgar bozboozo mi ŋgar tana ikamam peeze pizin. Zin moori ta kembei na, lelen be tileŋleŋ len sua. Tamen tirao be tikan la kat sua ŋonoono na som. Tana wal pakamkaamŋan tana ko tila kizin moori ta kembei, mi tikam sua leleeneŋana pizin, to zin moori tana titop la kizin. ☆

<sup>8</sup> Wal pakamkaamŋan tana, mbulu kizin irao pa Anutu mataana som kat. Tanata ni ipizil ndemeene pizin. Pa ŋgar kizin mi urlaŋana kizin isaana kek, mi tizorzooro pa sua ŋonoono kembei ta muŋgu Yanes mi Yamberes tizooro Mose na. \* ☆

<sup>9</sup> Mi mbulu raraate men ko ipet pizin kembei ta muŋgu ipet pa Yanes mi Yamberes na. Ko tikam ma som to, iwal biibi tikilaala zin kembei len ŋgar somŋan.

*Paulus ipombol Timoti mini*

<sup>10-11</sup> O Timoti, nu gabgaaba yo. Tana sua ta aŋkamam pizin tomtom, mi mbulu tio, mi uunu tau aŋkamam uraata pa i, mi urlaŋana tio, mi

☆ **3:5:** Mt 7:15,21; Ro 2:19+, 6:17+; 2Tes 3:6; Tit 1:16      ☆ **3:6-7:**

Tit 1:11      \* **3:8:** Re Kam 7:22 mi 9:11. Mbol pakan kizin Yuda iso ta kembei: Zin naborou kan ki Aikuptu ta muŋgu zinŋan Mose tiparkam siloogo na, tomtom kizin ru zan Yanes mi Yamberes.

☆ **3:8:** Kam 7:11+; Ro 1:28; 1Tim 6:5

mbulu tio ta lonja ketenj malmal pizin tomtom som, mi anjurur lelenj pizin, mi anjendernder mboljana mi anbadbaada patajana, ina nu ute lup kek. Mi patajana boozomen ta tomtom tikam pio, bekena tiseeze motoj, ina tomini nu ute. Munju tiseeze motoj isu kar Antiok, ma Ikonium, mi Listara. Tamen anjendernder mboljana mi anbaada men, mi Merere, ni iuulu yo mi itatke yo pa patajana ta boozomen tana, ta ingi anbotmbot men i. ✧

<sup>12</sup> Mi nio itunj tamen anbaada patajana som. Pa wal boozomen ta sombe lelen be tisekap la ki Yesu Krisi mi tito mbulu ki Anutu, inako tomtom tiseeze matan. ✧

<sup>13</sup> Mi zin wal sananjan ta tipakamkaam zin tomtom mi tipandelndel zin, nako tinoknok men ta kembei, mi sanaana kizin tana ila ila ma iwe biibi kat. Mi ina, zin tipakaam zitun tomini. ✧

<sup>14</sup> Tamen nu na, kozo kiskis sua nonoona ta lenj mi kan la kek na. Pa niam ta ampaute u pa sua tana na, nu ute yam. ✧

<sup>15</sup> Mi indeenje ta nu nanjanjom mi imar, na nu tum raama Anutu sua kini potomjana ta tibeede se ro na. Sua tana irao be ipei ngar ambainana pu, mi iso u pa zaala tabe Anutu ikamke u pa i. Zaala tana ta kembei: Sombe urla ki Yesu Krisi mi sekap la kini, inako mbot ambai. ✧

<sup>16</sup> Anutu sua kini ta boozomen na, itunu Bubujana ta ipei ngar kizin tomtom ma tibeede se ro na. Mi sua kini iuulu kat iti be tapaute

---

✧ **3:10-11:** Mbo 34:19; Ngo 13:14-52, 14:1-20; 2Kor 1:10; Pil 2:22; 1Tim 4:6 ✧ **3:12:** Mt 16:24; Yo 15:18+, 17:14; Ngo 14:22; 1Tes 3:3  
 ✧ **3:13:** 2Tes 2:11; 1Tim 4:1 ✧ **3:14:** 2Tim 2:2 ✧ **3:15:** Mbo 19:7, 119:98,105,130; Yo 5:39

zin tomtom pa sua n̄onoono, mi tokoto sua pakaam̄jana kizin tomtom, mi tapazal zin tomtom, mi tozzo zin pa mbulu ndeen̄ejana. ☆

<sup>17</sup> Tana Anutu tomtom kini sa isombe iute sua tana, na ni ko irao kat be ikam uraata ambain̄-  
bain̄an matakīja ta boozomen. ☆

## 4

### *Paulus ikam sua mbol̄jana pa Timoti*

<sup>1</sup> Merere kiti Yesu Krisi, ni kola imiili ma imar mini be iswe peeze kini ma imbot kat mat, mibe itiiri tomtom ta boozomen mi iur kadoono pizin. Zin ta timbot matan yaryaara, mi zin ta timet-meete kek na tomini. Nio an̄kam sua mbol̄jana pu pa ni ziru Tamaana Anutu matan ta kembei: ☆

<sup>2</sup> Soyaara Anutu sua kini. Sombe tomtom lelen be tilen̄ la, som lelen pa som, na ton̄go pa. Ina uraata ku be kam men tau. Sua pakaam̄jana kizin tomtom na, zzwe ma imbot mat. Mi pazalzal zin tomtom mi pombolmbol zin. Tana kam sua ki Anutu pizin pa mazwaana ta boozomen. Mi nim gesges pizin pepe, mi ketem malmal pizin karau pepe. ☆

<sup>3</sup> Pa mazwaana sa kola imar, to tomtom ko lelen be tin̄gun tal̄jan pa sua ambain̄jana mini som. Mi ko lelen be tilen̄len̄ len sua soroksorok ta boozomen. Tana wal boozomen ta kwon mbesmbeeze pizin tomtom mi tipombolmbol zin be tito zitun lelen

---

☆ **3:16:** Ro 15:4; 2Pe 1:20+ ☆ **3:17:** 1Tim 6:11; 2Tim 2:21 ☆ **4:1:** N̄go 10:42; Ro 14:9+; 1Pe 4:5 ☆ **4:2:** N̄go 20:20; Kol 4:5; 1Tim 4:13; 2Tim 2:25; Tit 1:13, 2:15

sananja na, tomtom ko tiyogeege zin ma timar, bekena tilenlen len sua kizin pakaamjana. ☆

<sup>4</sup> Tana tomtom ko tizeeze taljan ma sik pa sua nonono, mi tipizil ndemen pa, mi tingun taljan pa mbol soroksorok men. ☆

<sup>5</sup> Mi nu na, kozo ketem guruk pa kosa sa pepe. Kam kat ngar. Mi mender mboljana, baada patajana, mi kam uruunu ambajana pizin wal ta tiurla zen na. Naso kam kat uraata ta Anutu iur ma nomom na. ☆

### *Paulus swoono igarau kek*

<sup>6</sup> Pa nio, ingi be anzem toono ti. Molo som, to sinj ireere kembei yok baen ta tilinjin sala patoronjana i. ☆

<sup>7</sup> Nio anporou mboljana ma anlip kek. Pa nio mburon mburon be anto kat Merere, mi anposop londi tio, mi ingi ankiskis men urlajana tio. ☆

<sup>8</sup> Tana mogar ambajana kizin wal ta tiporou mboljana ma tilip, ta izza yo a. Mogar ta kembei: Indeeje mbenj kaimer na, ni ta tiirijana katuunu ndeejenana i, ko ipaata yo be tomtom ndeejenon. Mi nio ituñ tamen som. Pa wal boozomen ta so tiurur lelen pini, mi tiurur matan pa miilijana kini, na ni ko ikam mbulu raraate men pizin tomini. ☆

### *Sua pa koron pakan*

<sup>9</sup> Timoti, toombo be lonja mi mar.

---

☆ **4:3:** 1Tim 1:10+, 4:1; 2Tim 3:6; Tit 1:9 ☆ **4:4:** 1Tim 1:4, 4:7; Tit 1:14 ☆ **4:5:** Ngo 21:8; Ep 4:11; 2Tim 1:8, 2:3 ☆ **4:6:** Pil 1:23, 2:17; 2Pe 1:14 ☆ **4:7:** Ngo 20:24; 1Kor 9:24+; Pil 3:14; 1Tim 6:12; Ibr 12:1 ☆ **4:8:** 2Tim 1:12; Yems 1:12; 1Pe 5:4; Tur 2:10

<sup>10</sup> Pa Demas, ni iur leleene pa koron ki toono, tana izem yo ma anjboreŋ, mi ila lene pa kar Tesalonika kek. Mi Kresenes, ni ila pa lele pakaana ki Galesia kek. Mi Titus, ni ila pa lele pakaana ki Dalmesia. ☆

<sup>11</sup> Mi Lukas itutamen ta niamru ambotmbot i. Tana kam Markus ma niomru kamar. Pa ni irao be iuulu yo pa uraata ki Merere. ☆

<sup>12</sup> O, mi Tikikus na, nio anjo i ma ima pa kar Epesus kek.

<sup>13</sup> Mburu tio mat kana ta anjem su ruumu ki Karpus ta kar Troas na, re beso mar, na motom injal be kam. Mi kam zin buk tomini. Mi zin buk pakan ta kulin mbolŋan na, kozo motom ŋgal kat be kam zin tomini.

<sup>14</sup> Alisande ta iurpewe mburu pa mbaras na, ni ikam mbulu sananŋana kat pio. Kaimer Merere itunu ko ipokot mbulu kini. ☆

<sup>15</sup> Tana re u pini. Pa ni imbel zooroŋana pa sua kiti.

<sup>16</sup> Mataana mi tipamender yo be titiiri sua tio na, tomtom sa ilae tio be ipombol sua tio som. Som kat. Timap ma tizem yo lup. Tamen nio ansun Merere be ipokot mbulu kizin tana pepe.

<sup>17</sup> Nonoono, nio itun tamen. Tamen Merere, ni imbot raama yo, mi ipombol yo, tabe anrao ankam sua ki Anutu pizin tomtom pa mazwaana tina tomini. Tana uraata tio ta anzzoyaryaara uruunu ambainana pizin karkari ta boozomen, ta imar imap su ti. Pa sua irao lele kizin wal ta Yuda somŋan i ma tileŋ kek. Mazwaana tana, anso ko

---

☆ **4:10:** Kol 4:14; 1Yo 2:15    ☆ **4:11:** Ngo 15:37+; Kol 4:10,14; 1Pe 5:13    ☆ **4:14:** Mbo 28:4; 1Tim 1:20

aŋmeete. Mi som. Anutu iuulu yo ma kembei ta itatke yo pa laion kwoono. ✧

<sup>18</sup> Mi ni kola itatke yo pa koron sanannan ta munŋaana men, mi ikamke yo ma aŋla aŋbot ambai su kar kini ta saamba a. ✧

Tana iti tapakur ni zaana totomen. Nonoono.

*Sua pemetŋana*

<sup>19</sup> Kam aigule tio ila ki Prisila ziru Akwila, mi zin wal ta ziŋan Onesiporus timbotmbot ruumu kini na. ✧

<sup>20</sup> Erastus, ni imbotmbot men kar Korin. Mi Tropimus, ni mete ikami ma aŋzemi su Miletus. ✧

<sup>21</sup> Timoti, toombo be loŋa mi mar. Pa molo som to, lele ilomo mi miiri swoono. Eubulus mi Pudes, Linus, Klaudia, mi toŋmatiziŋ pakan ki Krisi ta niamŋan ambotmbot i, zin tomini tikam aigule kizin pu.

<sup>22</sup> Timoti, Merere ko imbotmbot raamu. Mi kampeŋana kini ko ise tiom ta boozomen. Nonoono.

---

✧ **4:17:** Mbo 22:21; Ngo 23:11, 27:23+ ✧ **4:18:** Mbo 121:7; Mt 6:13; Ro 11:36 ✧ **4:19:** Ngo 18:2; 2Tim 1:16+ ✧ **4:20:** Ngo 19:22, 20:4, 21:29

**Anutu Sua Kini Potomaxana  
Genesis, Exodus, Ruth, Psalms, Proverbs, Jonah, and  
The New Testament in the Mbula Language of Papua  
New Guinea  
Sampela hap Buk Baibel long tokples Mbula long  
Niugini**

Copyright © 1996 The Bible Society of Papua New Guinea

Language: Mbula

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-31

---

PDF generated using Haiola and XeLaTeX on 18 Apr 2025 from source files dated 31 Aug 2023

a815c47a-4c36-5240-a396-70cbd5e9b593